

# Oropo Rehe Har

## Maneru

Oropo rehe har.

Yman karai namō Pa'i je'ē ixo 'y. Yman! Yman Arau hury katu. Pe, tumaha pe ihon, Ise pe. Pe, uhyk uwyr. Mutu pe uhyk uwyr. Pe, Arau ma'e weruruhū, kamarar ta pe. Katar! Pe, Arau katar werur. Kamarar ta katar pyhyk. Raho ianam ta pe, ianam ta rekoha pe. Katar riki juhar. Eha ahy namō. Awa riki eha ahy! Eha ym riki awa!

Pe riki Oropo rakehar katar pyhyk. Pe, kuja pytun, mokōi ukwer, kome'ē mahapyrihar rehe Oropo rakehar manō. Pe, Oropo parahy 'y. Parahy te hū.

– Arau ihē ajukwa ta. Karai riki katar jar, ma'e ahyha jar ũ. Katu ym. Ihē ajukwa ta apo 'y – aja.

Pytun, Oropo kanim oho. Pe, uhyk oho, kaninde rehe, Arau rehe. Arau ukwa ym ma'e. Pe, pukái. Kamarar jarusu ra'yr raho. Pe, werur ipe. Pe, Oropo aha oho ipe. Oropo pandu:

– Pahar epykūi! Pahar epykūi!

Pe, kamarar pahar pykūi. Pe, muhyk raho, Arau rehe. Pe, Arau ihī. Arau riki hury. Hury katu. Pe, Arau pandu:

– Éi Kapitam! Katu?

Pe, ipo rehe pyhyk.

– Katu!

– Ma'e nde ereputar? Kapitam? – aja Arau.

Oropo pandu:

– Anī. Aputar ym.

– Kyse nde ereputar?

– Anī.

– Kyha nde ereputar?


– Anī. Aputar ym tī.

Pe, amō tapajun riki pandu ipe:

– Ma'e, Kapitam? Myja nde tapi'ir nde erejukwa katu my?

– Itatakwar pe kuja ihē ajukwa katu – Oropo pandu. – Ajukwa katu. Apo ihē amanga ta nde pe.

Pe riki myrape 'ar pe Arau wapyk. Pe, Oropo itatakwar hykíi. Pe, Arau ke rehe te'e ruwak 'y. Suruk! Arau jere! Arau ahemuhū.



Heta kamarar ta a'ep ihĩ. Ma'e ixo a'ep amõ. Nimmingu. Pe, Nimmingu ujan oho. Jumupyrara oho. Kyje oho. Kyha riki pete'e ihĩ. Jawar pete'e pyta, tata rake te'e túi. Hakehar, Nimmingu rakehar her ma'e, Kupi'ipe. Imembyr rer, Iankantarã. Ame'ẽ riki ujan oho tĩ. Iraingwer amõ, pe ujan oho tĩ.

Pytun, pe, jywyr. Y aha oho. Y ruwái rehe ihon. Iankantarã riki y aha oho. Uhem oho. Ipái riki se kwaraxi koty ihon. Kwaraxi ka'a rehe pyta oho. Pe, pyrara. Myahy te hũ. U'i riki juhéi. Pe, hakehar pandu ipe:

– Jaho. Karai jasad jaho. Katu we apo. Jaho! Myahy riki! Upa jande jamanõ ta, jande myahyha – aja.

Pe, jywyr uwyr tĩ. Pe, Kapitã Mixik rehe uhyk. Pe, Kapitã Mixik ma'ã u'am. Juma'u riki Kapitã Mixik ixo. Pe, Nimmingu uhyk. Pe riki pukái. Kapitã Mixik pukái ipe:

– Kapitã! Pahar ejur. Sonda ta uhyk tate uwyr. Apo sonda ta katu ym ta. Sonda ta parahy ta apo. Pahar ejur. Nde rekoha pe pahar eho. Apo ihẽ akwa ym. Apo katu we ta – aja.

Pe, pahar Nimmingu uhem oho. Se ka'a rupi ihon. Arau riki petúu. Kaixã pe riki Kapitã Mixik mondo. Pete'e túi.

Pe, kamarar ta oho. Pe, pandu pandu oho. Kamarar ta riki upa kyjehũ. Oropo rehe ianam riki parahy. Oropo riki kanim oho. Ka'a rupi ihon. Ianam ta ngi kyje. Pe, ianam pandu:

– Oropo katu ym. Ihẽ ajukwa ta apo 'y.

Oropo kanim oho. Paite. Ma'e tupixĩ rupi ihon. Tupixĩ rankã rupi ihon. A'ep hok mujã. A'ep kupixa mujã tĩ.

Upa.